



Broj: 01/04-30-5170-1/23
Sarajevo, 24.07.2023. godine

U svrhu realizacije Programa Javnih radova, gradonačelnica Grada Sarajeva raspisuje

JAVNI POZIV
za prijavu kandidata u okviru Programa javnih radova

Pozivaju se nezaposlena lica koja se nalaze na evidenciji nezaposlenih lica JU „Službe za zapošljavanje Kantona Sarajevo” da se prijave za angažman u okviru Programa javnih radova.

Grad Sarajevo iskazuje interes i potrebu za zapošljavanjem 10 (deset) osoba u Programu javnih radova za 2023. godinu.

Opis poslova:

Radnici će biti angažovani na čišćenju zelenih površina i održavanje spomenika u gradu Sarajevu. Čišćenje zelenih površina obuhvaća uklanjanje smeća, lišća i drugih nečistoća iz korita rijeke Miljacke i njenih pritoka; košenje trave, podrezivanje žbunja i drveća; odvoz sakupljenog otpada i pravilno odlaganje. Održavanje spomenika obuhvaća čišćenje spomenika od nečistoća, prašine i naslaga i pravilno održavanje spomenika radi njihove dugotrajnosti. Radnici će biti zaduženi za čišćenje korita rijeke Miljacke i njenih pritoka, Bijele tabije i Jajce kasarne, kao i za održavanje 26 spomenika od značaja za Grad Sarajevo.

Sa angažovanim licima će se zaključiti ugovor na period do 2 mjeseca i isti će biti osigurani pod određenim okolnostima. Angažovana lica će od trenutka potpisivanja ugovora biti brisana sa evidencije nezaposlenih u Kantonu Sarajevo čime gube pravo na zdravstveno osiguranje.

Mjesečna neto plata angažovanih lica iznosi 900,00 KM.

U Programu javnih radova prednost za učešće imaju nezaposlene osobe: nezaposleni članovi porodica šehida/poginulih, umrlih i nestalih branilaca, prvenstveno djeca; ratni vojni invalidi i njihova djeca; djeca umrlih ratnih vojnih invalida; dobitnik ratnih priznanja i odlikovanja njegova djeca i djeca poginulih, umrlih i nestalih dobitnika ratnog priznanja i odlikovanja; branilac, demobilisani borac i njegova djeca; dobrovoljac i njegova djeca; organizator otpora i njegova djeca; veteran i njegova djeca sa područja Kantona Sarajevo, civilne žrtve rata, te najugroženije kategorije nezaposlenih lica korisnika prava iz socijalne zaštite i to: roditelji djece sa invaliditetom od najmanje 80% invaliditeta, žrtve nasilja u porodici, mlade osobe koje su izašle iz sistema javne brige, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhinja, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa a koje imaju individualni plan zapošljavanja sačinjen od strane savjetodavca u birou.

Uz Prijavu na Javni poziv kandidati su dužni priložiti:

- Kratku biografiju sa kontakt podacima;
- Uvjerenje kojim se potvrđuje da se lice nalazi na evidenciji nezaposlenih lica JU „Zavod za



zapošljavanje Kantona Sarajevo”

- kopija lične karte;
- broj bankovnog računa;
- akt kojim se dokazuje ispunjavanje uslova za prednost učešća.

Rok za dostavu prijava je ponedjeljak, 31.07.2023. godine.

Prijave se dostavljaju lično ili poštom preporučeno na adresu:

Grad Sarajevo
Ćemaluša broj 9
71000 Sarajevo
sa naznakom

„Prijava na Javni poziv – Program javnih radova“

Neblagovremene i nepotpune prijave neće se razmatrati.

GRADONAČELNICA

Doc. dr. Benjamina Karić, s.r.